



NEWSLETTER BR. 36

DECEMBAR 2017

SADRŽAJ

FIPA AKTIVNOSTI ≡

- » FIPA : U POSJETI AMBASADOR BIH IZ GRČKE
- » DELEGACIJA FIPA-E U STANARIMA
- » FIPA ĆE PODRŽATI IMPLEMENTACIJU RAST PROJEKTA
- » FIPA I KOLEKTIV GROUP : ZAJEDNIČKI DO NOVIH RADNIH MJESTA U BIH
- » FIPA UČESTVOVALA NA DRUGOM POSLOVNOM FORUMU U RUMUNIJI
- » FIPA PODRŽAVA PROJEKAT „RAZVOJ AUTOMOBILSKE INDUSTRIJE FBIH“ KOJI PROVODI PRIVREDNA KOMORA FBIH
- » SLOVENIJA 4. INVESTITOR U BIH
- » PREDSTAVNIK AMERBANK U FIPA-I
- » PODRŠKA ZA 1.100 NOVIH RADNIH MJESTA
- » LIBIJCI PLANIRAJU INVESTIRATI U BIH
- » ULOŽITI DODATNE NAPORE ZA POVEĆANJE AMERIČKIH INVESTICIJA U BIH

POSLOVNE VIJESTI ≡

- » NAPKO BEDS OTVORIO POGON U PRIJEDORU
- » URUČENJE PLAKETA NAJZNAČAJNIJIM STRANIM INVESTITORIMA U BIH

FIPA AKTIVNOSTI ≡



FIPA : U POSJETI AMBASADOR BIH IZ GRČKE
U MAJU INVESTICIONO-POSLOVNI FORUM ZA BIH



DELEGACIJA FIPA-E U STANARIMA ≡
POSLOVNA ZONA STANARI OČEKUJE INVESTITORE



...I JOŠ FIPA AKTIVNOSTI...



FOREIGN INVESTMENT PROMOTION AGENCY
OF BOSNIA AND HERZEGOVINA

Prema upravo objavljenim preliminarnim podacima Centralne Banke BiH o stranim investicijama u prvih devet mjeseci 2017. godine, priliv ulaganja je dosegao iznos od 630,8 miliona KM, što predstavlja porast od 60,6% u odnosu na isti period prošle godine.

Ovo je rekordan iznos u posljednjih nekoliko godina, kada je uglavnom billježen pad stranih investicija. Očekuje se rast i za četvrti kvartal 2017. godine, s obzirom na pozitivna kretanja i rast investicija u prva tri kvartala godine, tako da bi po prvi put u posljednjih nekoliko godina bili ispunjeni planovi za privlačenje stranih investicija u BiH (plan za 2017.g. prema projekcijama DEP je okvirno oko 700 miliona KM).

Uz širok dijapazon promotivnih aktivnosti koje FIPA - Agencija za unapređenje stranih investicija u BiH pri Vijeću ministara BiH provodi na privlačenju stranih investicija u BiH, posebno je značajno da FIPA posjeduje preko 7.000 kontakata stranih investitora sa kojima je u stalnoj komunikaciji, i koje poziva da investiraju u BiH promovišući im odgovarajući projekte. Također, veliki značaj za promociju zemlje predstavlja i ulazak FIPA-e u Upravni odbor Svjetske organizacije za investicije WAIPA, što znači bolji pristup stranim investitorima i značajniju promociju zemlje na svim investicionim skupovima.

Povećanje investicija je rezultat zajedničkog rada nadležnih institucija u BiH na privlačenju stranih investicija i poboljšanju poslovnih prilika u zemlji, promociji mogućnosti za ulaganja, te pružanju podrške stranim investitorima u BiH.

2017. godinu, FIPA je započela vrlo odlučno i pragmatično u namjeri da ostvari što više kontakata sa potencijalnim stranim investitorima, kompanijama i udruženjima poslodavaca u inostranstvu bilo kroz individualni rad bilo kroz suradnju sa nadležnim institucijama, stranim ambasadama i privrednim predstavništvima u BiH, a sve sa ciljem da pokuša motivirati strane investitore da ulože novac u našu zemlju.

Važno je nastaviti raditi na unapređenju političkih i privrednih uvjeta u zemlji, na poboljšanju privrednog ambijenta, odnosno sprovođenju potrebnih reformi, koje će ukloniti prepreke i domaćim i stranim investitorima za njihovo širenje i poslovanje u većem obimu, a sve to, automatski doprinosi i poboljšanju imidža i konkurentnosti zemlje, donosi nove investicije i nova radna mjesta.

Visok procenat nezaposlenih ljudi i nizak životni standard građana stvaraju imperativ za sprovođenje potrebnih reformi koje će omogućiti dolazak stranih investitora, koji su u BiH potrebni usljed nedostatka domaćih sredstava za pokretanje značajnijeg investicionog ciklusa.

FIPA naglašava da strani investitori posebno insistiraju na stabilnoj političkoj situaciji i sigurnosti uloženog kapitala, pa je u narednom periodu veoma važno pokazati političko jedinstvo u naporima za ekonomski napredak zemlje, jer bez takvog jasno pokazanog opredjeljenja ni FIPA niti bilo koja druga institucija pojedinačno neće biti u stanju dovesti investitore u značajnijoj mjeri.



FIPA : U POSJETI AMBASADOR BIH IZ GRČKE U MAJU INVESTICIONO-POSLOVNI FORUM ZA BIH



Direktor Agencije za unapređenje stranih investicija BiH (FIPA) Gordan Milinić razgovarao je sa ambasadorom Bosne i Hercegovine u Grčkoj NJE Brankom Dokićem o planovima ambasade da organizira investiciono-poslovni forum BiH-Grčka u Atini u maju 2018. godine na kojem bi učestvovala FIPA.

S obzirom na dobre političke odnose dvije zemlje, ali simboličnu ekonomsku razmjenu i nizak priliv grčkih investicija u BiH, FIPA i ambasada BiH u Atini će zajednički uložiti dodatne napore kako bi se ovo stanje promijenilo zarad ekonomskog napretka zemlje i otvaranja novih radnih mjesta za bh. građane.

Prema riječima ambasadora, postoji interes grčkih investitora za energetski sektor, turizam, drvni sektor i poljoprivredu BiH. Trenutno nedostaje promotivnih aktivnosti kako bi se animirali grčki investitori da dođu u BiH, imajući u vidu trend rasta grčkih investicija u Srbiji, Bugarskoj, Albaniji i Makedoniji. S ciljem promocije BiH u Grčkoj, bh. ambasada radi na uspostavljanju kontakata sa Privrednom komorom Grčke, strukovnim udruženjima, udruženjima poduzetnika, Odjelom za ekonomsku diplomatiju pri MVP Grčke, te grčkim investitorima i članovima bh. dijaspore u ovoj zemlji. Također, razmatra se uvođenja čarter letova između BiH i Grčke u ljetnjem periodu radi povećanja rasta broja turista, a samim tim i popratnih djelatnosti.



STRANIM INVESTITORIMA U CRNOJ GORI PONUDITI I BH PROJEKTE



Direktor Agencije za unapređenje stranih investicija BiH (FIPA) Gordan Milinić posjetio je Općinu Stanari kako bi se upoznao sa ekonomskim stanjem na ovom području, o uspješno realiziranoj investiciji RiTE Stanari, te o novim investicionim mogućnostima koje Općina nudi, gdje se susreo sa načelnikom Dušanom Panićem. Direktor Milinić je upoznao načelnika Panića sa nadležnostima FIPA-e kao glavne adrese za strana ulaganja u BiH, aktivnostima na pronalasku stranih investicija, pružanju pomoći u realizaciji investicionih projekata, učešću na konferencijama i privrednim susretima sa ciljem promocije raspoloživih investicionih projekata. Istakao je da FIPA investitore traži svuda u svijetu, da posjeduje 7.000 kontakata stranih investitora sa kojima je u stalnom kontaktu, te ih poziva da posjete BiH kako bi se detaljnije upoznali sa potencijalima zemlje. Agencija također koordinira nadležne institucije od općinskog do državnog nivoa na privlačenju stranih investicija, a kao rezultat u 2017, bilježimo porast priliva stranih investicija od 66,8%, ističući da je na putu realizacija velike strane investicije u RiTE Kamengrad kod Sanskog Mosta u iznosu od 1.020.000.000 KM. Dodatnu prednost za promociju BiH i njenih mogućnosti predstavlja ulazak FIPA-e u Upravni odbor WAIPA-e. Općina Stanari želi privući i domaće i strane investicije sa ciljem otvaranje novih radnih mjesta, te na tom putu očekuje podršku FIPA-e u smislu promocije njenih mogućnosti za ulaganje. Pripremili su poslovnu zonu koju nude investorima posebice iz metalnog sektora i energetike. Također, vrlo je značajno istaći da Općina dodjeljuje subvencije od 6.500 KM za svako novo radno mjesto uz poštivanje određenih kriterija. Općina nudi raspoloživu radnu snagu raznih profila. Stopa nezaposlenosti iznosi 39%, te je potrebno uložiti dodatne napore na otvaranju novih radnih mjesta.



FIPA-USAID-CRS, FIPA ĆE PODRŽATI IMPLEMENTACIJU RAST PROJEKATA



Direktor Agencije za unapređenje stranih investicija BiH (FIPA) Gordan Milinić razgovarao je sa predstavnicima organizacije CRS Vojislavom Ivanovićem i Sretanom Ćemalovićem o načinu na koji se FIPA može uključiti u promociju investicionih projekata BiH čiju izradu pomaže ova organizacija u suradnji sa USAID-om. Govoreći o radu FIPA-e na privlačenju stranih investicija u posljednje dvije godine, direktor Milinić se između ostalog osvrnuo i na obavezu svih nadležnih da rade na otvaranju novih radnih mjesta i povećanju zaposlenosti u zemlji, ističući da u 2017. godini BiH bilježi rast priliva stranih investicija. U prvom kvartalu 2017. godine, rast je zabilježen u procentu od 28%, da bi u drugom kvartalu taj iznos dostigao procenat od 66,8%. Zajednički rad nadležnih institucija na unapređenju poslovnog ambijenta, kao i stabilizacija političkih prilika u zemlji je osnovni preduvjet za privlačenje značajnijih stranih investicija. Svi napori u tom pravcu su dobrodošli, uključujući i aktivnosti organizacije CRS na implementaciji projekta RAST (Restoring Accountability and Supporting Transformation) u BiH uz finansijsku podršku USAID-a.

Naime, CRS trenutno implementira projekte po dvije komponente : podrška jednom broju općina u BiH da unaprijede poslovno okruženje u skladu sa BFC (Business Friendly Certification) standardom i podrška općinama pri realizaciji infrastrukturnih projekata. Navedene projekte implementiraju u 20 općina koje posjeduju certifikat BFC, te sedam općina koje su na putu dobivanja ovog certifikata. Inače, CRS je prisutan u BiH od 1993. godine i implementirao je veliki broj projekata od društvenog značaja. Od FIPA-e se očekuje pomoć oko prezentiranja investicionih projekata koje dolaze iz 20 općina i pronalaska investitora za ove projekte, te oko organiziranja konferencije u 2018 na kojoj bi se ovi projekti predstavili stranim investitorima.



FIPA I KOLEKTIV GROUP : ZAJEDNIČKI DO NOVIH RADNIH MJESTA U BIH



Direktor Agencije za unapređenje stranih investicija BiH (FIPA) Gordan Milinić primio je predstavnike kompanije Kolektiv Group kako bi razgovarali o mogućnostima zajedničkog rada na pružanju informacija o mogućnostima za ulaganja u BiH, pronalasku investitora i pružanju podrške u cilju realizacije investicija u zemlji.

30% firme Kolektiv Group je u vlasništvu grupacije Alma Media iz Finske, u okviru koje posluje još nekoliko podružnica.

Rade za mnoge strane investitore u BiH poput Al Jazeera, Cotton, Siemens, Marriott i van BiH poput Johnson & Johnson, Lufthansa, Porsche, a trenutno su u predfazi izrade studije vezane za osnivanje satelit/izmještenog biznis centra/firme u BiH za tri navedene strane kompanije, čime bi se omogućilo zapošljavanje velikog broja ljudi.

Za realizaciju spomenutih projekata zatražili su podršku FIPA-e, kao i za izmjene legislative vezane za satelit firme/online poslove/biznis centre, s obzirom na velike mogućnosti zapošljavanja mladih.

FIPA i Kolektiv Group će se zajedno boriti za otvaranje novih poslova i novih radnih mjesta u BiH i stim će ciljem potpisati i Sporazum o suradnji.



FIPA UČESTVOVALA NA DRUGOM POSLOVNOM FORUMU U RUMUNIJI



8. decembra 2017. godine, u organizaciji Ambasade Bosne i Hercegovine u Rumuniji, a kroz suradnju sa predsjednikom Privredne komore Prahova Aurelianom Gogulescuom i uz podršku g. Mariusa Marinescua vlasnika Ziarul Ploiestiia, održan je Drugi poslovni forum u Rumuniji.

Forum je bio investicijskog karaktera u cilju okupljanja isključivo rumunskih firmi i klastera iz regije Prahova, potencijalnih investitora u Bosnu i Hercegovinu.

Predstavnik Agencije za unapredjenje stranih investicija BiH je održao prezentaciju o razlozima za investiranje i atraktivnim sektorima u BiH.

Dogovorena je posjeta veće grupe investitora iz Rumunije u BiH za mart 2018. godine kao i konkretnija investicijska aktivnost.



FIPA PODRŽAVA PROJEKAT „RAZVOJ AUTOMOBILSKE INDUSTRIJE FBiH“ KOJI PROVODI PRIVREDNA KOMORA FBiH



Nastavljajući planirane aktivnosti na projektu „Razvoj automobilske industrije FBiH“, predsjednik Privredne komore FBiH Mirsad Jašarspahić je 15. decembra 2017. godine za potrebe Grupacije automobilske industrije preuzeo i zadužio ured u sklopu Inovativnog kampusa Wolfsburg AG.

Imajući u vidu značaj i potencijal bh. automobilske industrije, kojeg Agencija FIPA promovira kroz svoj rad, kao i potrebu zajedničkog institucionalnog pristupa ovoj privrednoj grani, ceremoniji preuzimanje kancelarije prisustvovala je predstavnica FIPA-e Nine Pobrić, kao i sastancima oko daljih aktivnosti na ovom projektu. Wolfsburg AG je u vlasništvu kompanije Volkswagen i grada Wolfsburga, a jedno od polja djelovanja ove kompanije je podrška firmama koje se bave proizvodnjom automobilskih komponenti. Tom prilikom je predstavnica FIPA-e Nina Pobrić upoznala predstavnike Wolfsburg AG o poslovnom ambijentu u BiH, ekonomskim kretanjima, mogućim lokacijama za ulaganje i uspješnim njemačkim investicijama u našoj zemlji. Cilj ove aktivnosti je stvaranja pretpostavki za značajnije učešće bh. proizvođača automobilskih dijelova u isporuci dijelova za Volkswagen, kao druge njemačke proizvođače.

Danas u automobilskoj industriji BiH radi više od 10.000 radnika koja bilježi rast iz godine u godinu. Ukupan izvoz automobilske industrije u BiH u 2016. godini iznosio je 734 miliona KM. Među pet vodećih proizvoda u ukupnom izvozu BiH dvije su iz oblasti automobilske industrije i to: sjedala u iznosu od 430 miliona KM i dijelovi i pribor motornih vozila u iznosu od 175,9 miliona KM.



SLOVENIJA 4. INVESTITOR U BIH



Direktor Agencije za unapređenje stranih investicija u BiH (FIPA) Gordan Milinić upoznao je novoimenovanu ambasadoricu Slovenije u BiH NJE Zoricu Bukinac sa nadležnostima Agencije i aktivnostima koje sprovodi u oblasti stranih ulaganja, promocije zemlje i podrške stranim investitorima.

Slovenija zauzima 4. poziciju na ljestvici zemalja stranih investitora u BiH sa uloženi 486 miliona eura, ili 7,3% od ukupnog iznosa stranih investicija u BiH. Najznačajnije slovenačke investicije su Petrol, Droga Kolinska, Perutnina Ptuj, NLB, Telekom Slovenije.

Ohrabruje činjenica da se ulaganja iz Slovenije nastavljaju za razliku od prethodnih godina kada su bila u velikoj mjeri usporena. Tokom 2016. godine, Slovenija je investirala 42,1 milion KM, te 15,5 miliona KM u 2017. Ambasadorica Bukinac je istakla da je od ukupnog iznosa slovenačkih investicija u svijetu, 10% investirano u BiH. Također je naglasila da će Slovenija u narednoj godini između ostalog raditi na jačanju turističkog i kulturnog povezivanja sa BiH.

Razgovarano je i o privrednoj konferenciji koju ambasada BiH u Ljubljani planira organizirati u prvom tromjesečju 2018. godine sa ciljem predstavljanja BiH i mogućnosti za ulaganje slovenačkim privrednicima. Dogovorena je zajednička suradnja na pružanju podrške postojećim slovenačkim investitorima u BiH, kao i novim koji budu zainteresirani za ulaganje u BiH.



PREDSTAVNIK AMERBANK U FIPA-I



U okviru istraživanja mogućnosti za investiranje u regiji jugoistočne Europe, Predstavnik AMERBANK Charlie Miles je posjetio Agenciju FIPA kako bi se informirao o mogućnostima za ulaganje u oblasti IT industrije, zdravstvenog i bankarskog sektora.

Amerbank je američka finansijska institucija čija je primarna djelatnost internacionalni transferi novca te razvoj tehnologija za finansijski sektor (fintech).

Predstavnici FIPA-e su upoznali g. Milesa sa mogućnostima ulaganja u navedene sektore, prednostima ulaganja u BiH u odnosu na susjedne zemlje, te podršci koju Agencija pruža stranim investitorima.



PODRŠKA ZA 1.100 NOVIH RADNIH MJESTA FIPA PRUŽILA PODRŠKU FIRMI BOXMARK ZA DALJE ŠIRENJE I NOVE INVESTICIJE



Direktor Agencije za unapređenje stranih investicija BiH (FIPA) Gordan Milinić organizirao je sastanak sa direktorom kompanije Boxmark doo Matejom Bastičem kako bi pokušao riješiti administrativne probleme sa kojima se navedena firma suočava na putu širenja postojećih i realizacije novih investicija u BiH. Boxmark doo, koji predstavlja austrijsku investiciju, bavi se proizvodnjom auto-presvlaka koje izvozi u EU i šire. Posjeduje fabriku u Lukavcu koja je otvorena u februaru 2016. godine uz zapošljavanje 200 radnika u tom periodu. U decembru 2017. godine, fabrika broji 440 radnika. S obzirom da planiraju širenje postojeće fabrike i izgradnju novih hala i postrojenja sa ciljem povećanja broja zaposlenih na najmanje 1.100 radnika, kupili su i novo zemljište.

Kao uvjet za dalja ulaganja, Boxmark doo je od nadležnih vlasti u BiH zatražio ukidanje tarifa na uvoz štavljene i gotove kože za što je dobio podršku Vlade Tuzlanskog kantona, privrednih komora BiH, FBiH i RS. Novac koji bi država izgubila na carinama, bio bi opet vraćen u budžet uplatama poreza i doprinosa za preko 1.100 radnika. Očekuje se konačan stav nadležnih po ovom pitanju. Ukoliko bi odgovor bio negativan, bila bi stopirana dalja ulaganja i nova zapošljavanja. Postoji također bojazan da bi investitor mogao napustiti BiH ukoliko se ne riješi ovaj problem.

FIPA se uključila u rješavanje navedenog spornog pitanja, posebno imajući u vidu postojeći broj radnika koje zapošljava kompanija, te najavljeno zapošljavanje do 1.100, i pružila podršku firmi BOXMARK za dalje širenje i nove investicije. FIPA će učiniti sve što je potrebno sa ciljem da zadrži investitora u BiH.



FIPA: POSJETA DELEGACIJE EKONOMSKO-DRUŠTVENOG RAZVOJNOG FONDA LIBIJE



U okviru četverodnevne posjete Bosni i Hercegovini, delegacija Ekonomsko-društvenog razvojnog fonda Libije na čelu sa predsjednikom Upravnog odbora g. Tareqom Elabiadiem posjetila je FIPA-u sa ciljem upoznavanja sa mogućnostima ulaganja u Bosni i Hercegovini.

Također, interesirali su se za mogućnosti povećanja dioničarskog udjela u Bosnalijeku d.d. Sarajevo, s obzirom da posjeduju oko 10% dionica u spomenutoj fimi.

Ekonomsko-društveni razvojni fond Libije je državna institucija koja investira u turizam, industriju, infrastrukturu i drvni sektor u Libiji, ali i inostranstvu. Najveći broj projekata su realizirali u Egiptu, a planiraju ulagati i u Bosni i Hercegovini.

Predstavnici FIPA-e su upoznali delegaciju sa mogućnostima ulaganja u Bosnalijek, kao i sa trenutno raspoloživim projektima iz baze projekata kojima raspolaže Agencija.

Informirali su ih o statusu stranih investitora, pravima i obavezama, te pozvali da se obrate FIPA-i za sve dodatne informacije vezano za ulaganja i projekte.



PREDSTAVNIK STATE DEPARTAMENTA IZ VAŠINGTONA POSJETIO FIPA-U



Direktor Agencije za unapređenje stranih investicija BiH (FIPA) Gordan Milinić primio je predstavnika State Departmenta iz Vašingtona i ekonomskog savjetnika za Balkan g. Justina Heunga koji se želio upoznati o stanju direktnih stranih investicija u BiH i aktivnostima FIPA-e.

G. Milinić je informirao g. Heunga o nadležnostima Agencije, kao i njenim aktivnostima na polju privlačenja stranih investicija, stanjem stranih ulaganja, američkim investicijama i trgovinskom razmjenom između dvije zemlje, prednostima kojima BiH raspolaže u odnosu na susjedne zemlje, kao i sektorima koji su interesantni stranim investitorima.

Također je istaknuto da u 2017. godini BiH bilježi povećanje stranih ulaganja od 66,8%.

G. Heung je također detaljno upoznat i sa bazom investicijskih projekata kojima raspolaže FIPA iz različitih privrednih sektora, podršci koju pruža stranim investitorima u otklanjanju prepreka i implementaciji projekata, kao i nastojanjima FIPA-e da implementira medijsku kampanju „Invest in BiH“ sa ciljem otklanjanja predrasuda o BiH i informiranja šire poslovne zajednice o njenim potencijalima.

Konstatirano je da je nivo američkih investicija na niskom nivou, da SAD zauzima 17. mjesto po iznosu stranih investicija i da je potrebno uložiti dodatne napore, uključujući i BiH ambasadu u SAD, sa ciljem povećanja investicija.

FIPA POSLOVNE VIJESTI ≡



NAPKO BEDS OTVORIO POGON U PRIJEDORU



URUČENJE PLAKETA NAJZNAČAJNIJIM STRANIM INVESTITORIMA U BIH





PODRŠKA ZA 1.100 NOVIH RADNIH MJESTA FIPA PRUŽILA PODRŠKU FIRMI BOXMARK ZA DALJE ŠIRENJE I NOVE INVESTICIJE



Holandska kompanija kompanija NAPKO Beds, koja od 2011. godine posluje u Petrovu, otvorila je novi pogon za proizvodnju pločastog namještaja u Brežićanima kod Prijedora.

Pogon u Prijedoru je dio planskog proširenja proizvodnje i već je posao dobilo 50 radnika. Planiraju zapošljavanje oko 250 radnika u budućem razvojnom ciklusu, s obzirom da je roba koju proizvode jako tražena.



URUČENJE PLAKETA NAJZNAČAJNIJIM STRANIM INVESTITORIMA U BIH



Agencija za unapređenje stranih investicija u BiH (FIPA) organizirala je 13. decembra 2017. godine u Sarajevu manifestaciju pod nazivom „Izbor najznačajnijeg investitora u BiH“ koju tradicionalno organizira već dugi niz godina. Ove godine je koncept manifestacije djelimično izmjenjen na način da je lista nagrađenih kompanija obuhvatila 13 privrednih društava.

FIPA na ovaj način želi odati priznanje stranim preduzećima, te im se zahvaliti na njihovom doprinosu ekonomskom razvoju Bosne i Hercegovine, zapošljavanju bh. građana, te rastu svih ostalih ekonomskih indikatora po osnovu ovih ulaganja. Prisustvo stranih investitora u zemlji šalje poruku ostalim stranim investitorima da je BiH zemlja u kojoj je ulaganje stranog kapitala sigurno i rentabilno, te značajno doprinosi poboljšanju imidža BiH kako u poslovnom tako i u političkom smislu.

Nagrađene kompanije, koje dolaze iz različitih privrednih grana, su:
Lattonedil BIH d.o.o. Gradiška, Fabrika cementa Lukavac d.d. Lukavac, Sunnyland d.o.o. Istočno Sarajevo, Zeraa Agriculture Investment d.o.o. Sarajevo, Austronet d.o.o. Kozarac Prijedor, Mann+Hummel BA Fabrika filtera d.d. Tešanj, Boxmark Leather d.o.o. Lukavac, Malak Group d.o.o. Sarajevo, Rama-TEX d.o.o. Prozor Rama, Standard a.d. Prnjavor, Steelmin BH d.o.o. Jajce, Tarčin International Development Company d.o.o. Sarajevo, Nelt d.o.o. Istočno Sarajevo.

S obzirom na pozitivne učinke po domaću privredu i sliku o zemlji koju kreira svaki novi strani investitor, Agencija FIPA će zajedno sa ostalim nadležnim institucijama u BiH nastaviti raditi na unapređenju poslovnog ambijenta i na taj način doprinijeti poboljšanju konkurentnosti i povećanju stranih investicija u BiH. Manifestacija je okupila značajan broj predstavnika institucija, međunarodnih organizacija, akreditiranih ambasada, poslovne zajednice i medija u BiH.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA